



Հաստատված է

ԳՊՀ գիտական խորհրդի 2024թ.

մայիսի 31-ի թիվ 13 նիստի որոշմամբ

Ռեկտոր՝

Ռ. Ն. Հակոբյան

«31» մայիս 2024թ.

**ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆՈՒՄ ԲԱԿԱԼԱՎՐԻ
ԱՎԱՐՏԱԿԱՆ ԱՇԽԱՏԱՆՔԻ ԵՎ ՄԱԳԻՍՏՐՈՍԱԿԱՆ ԹԵԶԻ
ՊԱՏՐԱՍՏՄԱՆ, ՊԱՇՏՊԱՆՈՒԹՅԱՆ ՈՒ ԳՆԱՀԱՏՄԱՆ ԿԱՐԳ
(փոփոխություններով)**

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆՈՒՄ
ԲԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻՆ ԵՎ ՄԱԳԻՍՏՐՈՍԱԿԱՆ ԹԵԶԻՆ
ՆԵՐԿԱՅԱՑՎՈՂ ՊԱՀԱՆՋՆԵՐԸ

1. ԸՆԴՀԱՆՈՒՐ ԴՐՈՒՅԹՆԵՐ

1.1. Գավառի պետական համալսարանում /այսուհետ՝ ԳՊՀ/ բակալավրի ավարտական աշխատանքը /այսուհետ՝ Աշխատանք/ ինքնուրույն, տեսական կամ կիրառական նշանակություն ունեցող հետազոտական աշխատանք է, որն արտացոլում է ուսանողի՝ տվյալ մասնագիտության շրջանակներում ձեռք բերած գիտելիքները կիրառելու և մասնագիտական ոլորտին առնչվող խնդիրներ ձևակերպելու, հետազոտական մեթոդներ կիրառելու և լուծումներ առաջարկելու հմտությունները:

1.2. Մագիստրոսական թեզը /այսուհետ՝ Թեզ/ ինքնուրույն հետազոտական, վերլուծական և/կամ կիրառական նշանակություն ունեցող ավարտուն աշխատանք է, որն արտացոլում է ուսանողի՝ տվյալ մասնագիտական ոլորտում ձեռք բերած գիտելիքները կիրառելու և ինքնուրույն ուսումնասիրություն կատարելու կարողությունները, ինչպես նաև գիտական խնդիրներ ձևակերպելու և նոր լուծումներ առաջարկելու հմտությունները:

1.3. Աշխատանքի կատարումը և հրապարակային պաշտպանությունը բակալավրիատի կրթական ծրագրերի ավարտական պահանջներից են:

1.4. Թեզի կատարումը և հրապարակային պաշտպանությունը մագիստրատուրայի կրթական ծրագրերի ավարտական պահանջներից են:

1.5. Աշխատանքի պատրաստումը և պաշտպանությունն առկա բաժիններում իրականացվում են 5-րդից 8-րդ կիսամյակներում, իսկ հեռակա բաժիններում՝ 7-րդից 10-րդ կիսամյակներում: Բոլոր ուսանողները մինչև 5-րդ (հեռակա բաժիններում՝ 7-րդ) կիսամյակի ավարտը պետք է ունենան Աշխատանքի հաստատված թեմաներ և ղեկավարներ: Աշխատանքի պատրաստման և պաշտպանության համար բակալավրի կրթական ծրագրում նախատեսվում է 8 կրեդիտ աշխատաժամալ:

1.6. Թեզի պատրաստումը և պաշտպանությունն իրականացվում են 2-4-րդ կիսամյակներում: Բոլոր ուսանողները մինչև 1-ին կիսամյակի ավարտը պետք է ունենան թեզերի հաստատված թեմաներ և ղեկավարներ: Թեզի պատրաստման և պաշտպանության համար ծրագրում նախատեսվում է 12 կրեդիտ աշխատաժամալ:

2. ԱՇԽԱՏԱՆՔԻ ԵՎ ԹԵԶԻ ՕՐԻՆԱԿԵԼԻ ԿԱՌՈՒՑՎԱԾՔԸ

2.1. Աշխատանքի տիտղոսաթերթը լրացվում է՝ համաձայն Հավելված 1-ում ներկայացված ձևաչափի, իսկ Թեզի տիտղոսաթերթինը՝ ըստ Հավելված 2-ի:

2.3. Աշխատանքի և Թեզի տիտղոսաթերթերին ստորագրում են ուսանողը, ղեկավարը և ամբիոնի վարիչը:

2.3. Բովանդակության մեջ ըստ հերթականության ներկայացվում են Աշխատանքի, Թեզի բոլոր բաժինները, դրանց համապատասխան էջերը, ինչպես նաև հավելվածները (առկայության դեպքում), որոնք կցվում են Աշխատանքին, Թեզին:

2.4. Ներածության մեջ ներկայացվում են Աշխատանքի, Թեզի արդիականությունը, նպատակն ու խնդիրները, ուսումնասիրության առարկան և մեթոդները, տեսական և/կամ կիրառական նշանակությունը, կառուցվածքն ու ծավալը:

2.5. Աշխատանքի հիմնական մասը բաղկացած է գլուխներից և ենթագլուխներից: Այն բովանդակում է օգտագործված գրականության և ուսումնասիրվող հիմնախնդրի վերլուծությունը, կատարված հետազոտության նկարագրությունը, ուսումնասիրության արդյունքների շարադրումը, վերլուծությունը և ամփոփումը:

2.6. Եզրակացությունները, առաջարկությունները ներկայացվում են առանձին մասում՝ ամփոփիչ հատվածում, որտեղ ներկայացվում են Աշխատանքի, Թեզի արդյունքները:

2.7. Օգտագործված գրականության ցանկում նշվում են միայն այն աղբյուրները, ակտերը, գրականությունը, որոնք օգտագործվել են Աշխատանքը, Թեզը շարադրելիս, և որոնց համապատասխան հղումներ են արված հիմնական մասում:

2.8. Առկայության դեպքում հավելվածները կցվում են Աշխատանքին, Թեզին:

3. ԱՇԽԱՏԱՆՔԻ ԵՎ ԹԵԶԻ ՁԵՎԱՎՈՐՄԱՆ ՊԱՀԱՆՋՆԵՐԸ

3.1. Աշխատանքը և Թեզը պաշտպանության են ներկայացվում համակարգչային շարվածքով՝ տպագիր, կազմված և էլեկտրոնային տարբերակներով: Թղթի չափսը՝ A4 (210 մմ x 297 մմ), լուսանցքները՝ ձախից 3.0 սմ, աջից՝ 1.5 սմ, վերևից՝ 2.0 սմ և ներքևից՝ 2.5 սմ: Նյութը տպվում է թերթի միայն մեկ երեսին: Տեքստի էլեկտրոնային շարվածքը կատարվում է «Յունիկոդ» (Unicode) կոդավորման համակարգի տառատեսակների կիրառմամբ, անգլերեն և ռուսերեն տեքստերի համար «Times New Roman», իսկ հայերենի դեպքում՝ «GHEA Grapalat» տառատեսակներով: Վերնագրերը շարվում են 14 pt տառաչափով, իսկ տեքստը՝ 12 pt, միջտողային հեռավորությունը՝ 1.5: Գլուխների վերնագրերը գրվում են թավ (bold) և գլխատառերով: Յուրաքանչյուր գլուխ սկսվում է նոր էջից: Պարբերությունները հավասարեցվում են երկու կողմերից, սկսվում են 1 սմ խորքից: Աշխատանքի բոլոր էջերը համարակալվում են ներքևում՝ կենտրոնում: Համարակալումը սկսվում է բովանդակությունից, որը համարվում է 2-րդ էջ: Աշխատանքի, Թեզի հավելվածները համարակալվում են նորից՝ սկսած առաջին էջից:

3.2. Աշխատանքում, Թեզում առկա աղյուսակները, նկարներն ու գծապատկերները և այլն համարակալվում են, և դրանց տրվում են անվանումներ (անհրաժեշտության դեպքում տրվում են նաև ծանոթագրություններ): Նկարների, գծապատկերների, գծագրերի անվանումները, նշանակումների բացատրությունները գրվում են դրանց ներքևում, մեջտեղում՝ 10 pt տառաչափով: Աղյուսակների անվանումները գրվում են դրանց վերևում, իսկ հավելվածներինը՝ նոր էջի վերին աջ անկյունում:

3.3. Աշխատանքի, Թեզի վերջում տրվում է օգտագործված գրականության ցանկը, որը ներկայացվում է բնագրի լեզվով: Նախ նշվում են հեղինակ(ներ)ի ազգանուն(ներ)ը և անվան սկզբնատառ(եր)ը, այնուհետև նյութի՝ գրքի կամ հոդվածի ամբողջական անվանումը, ամսագրի լրիվ կամ ընդունված կրճատ անվանումը, հրատարակման վայրը, հրատարակչությունը, հրատարակման թվականը, հատորի և թողարկման համարները, հերթական համարը, էջերը կամ գրքի էջերի քանակը:

3.4. Համացանցում տեղադրված նյութերի դեպքում կիրառվում են նույն սկզբունքները՝ վերջում նշելով համապատասխան նյութի հղման հասցեն և ծանոթանալու ամսաթիվը (օրինակ, <http://www.arlis.am...>, 15.02.2019):

3.5. Հղումները տեքստում տրվում են ուղղանկյուն փակագծերում՝ ըստ գրականության ցանկում ներկայացված կարգային համարի ([7], [3-8], [3, 7, 9-11], [3, էջ 215] կամ նշելով հեղինակի ազգանունը և հրատարակման տարեթիվը, կամ տողատակում, ինչպես ներկայացվում է օրինակում¹:

3.6. Աշխատանքի նվազագույն ծավալը պետք է կազմի 40 էջ, իսկ Թեզի նվազագույն ծավալը՝ 50 էջ:

4. ԱՇԽԱՏԱՆՔԻ ԵՎ ԹԵԶԻ ՊԱՏՐԱՍՏՈՒՄՆ ՈՒ ՊԱՇՏՊԱՆՈՒԹՅԱՆ ՆԵՐԿԱՅԱՑՈՒՄԸ

4.1. Աշխատանքի, Թեզի պատրաստումը և պաշտպանությունն իրականացվում են ԳՊՀ առկա և հեռակա բաժինների համար սահմանված ուսումնական գործընթացի կազմակերպման ժամանակացույցի համաձայն (Հավելված 5, Հավելված 6):

4.2. Աշխատանքի, Թեզի պատրաստման աշխատանքները կատարվում են ղեկավարի խորհրդատվությամբ և վերահսկողությամբ:

Ղեկավարի պարտականություններն են.

ա) Աշխատանքի, Թեզի կառուցվածքի կազմում, հիմնախնդրի ձևակերպում,

բ) Աշխատանքի, Թեզի կատարման աշխատանքային պլանի /Հավելված 3, Հավելված 4, Հավելված 5/, ժամանակացույցի /Հավելված 6, Հավելված 7/ կազմում և դրա իրականացման վերահսկողություն,

գ) թեմայի վերաբերյալ գրականության և այլ աղբյուրների ընտրություն,

դ) խորհրդատվություն ուսանողին՝ Աշխատանքի, Թեզի կատարմանն առնչվող հարցերում՝ համաձայն խորհրդատվությունների համար դեկանատի կողմից սահմանված կիսամյակային ժամանակացույցի,

ե) ծանուցում ուսանողին՝ սույն կարգի դրույթների, պահանջների և գնահատման չափանիշների ու չափորոշիչների վերաբերյալ,

¹ Խաչատրյան Գ. Ս., Աղաջանով Ի. Մ. Կենսաքիմիա // (Դասագիրք բժշկական և կենսաբանական բուհերի ուսանողների, կենսաքիմիկոսների և բժիշկների համար), Երևան, 2001, 679 էջ:

զ) խորհրդատվություն (օգնություն) ուսանողին՝ ելույթի պատրաստման և պաշտպանության համար անհրաժեշտ ցուցադրական նյութերի ընտրության, շնորհանդեսի պատրաստման հարցում,

է) Աշխատանքի, Թեզի վերաբերյալ ղեկավարի գրավոր կարծիքի կազմում:

4.3. Ղեկավարի կարծիքում արտացոլվում են.

ա) Աշխատանքի, Թեզի թեմայի արդիականությունը, գիտատեսական, գործնական նշանակությունը,

բ) ուսանողի՝ ինքնուրույն աշխատելու, տվյալներ մշակելու, հետազոտություն կատարելու և եզրակացություններ անելու կարողությունը,

գ) Աշխատանքի, Թեզի պաշտպանությանը ներկայացվող դրույթների վերաբերյալ կարծիքը,

դ) Աշխատանքի, Թեզի ձևավորման համապատասխանությունը սույն կարգի պահանջներին,

ե) Աշխատանքի, Թեզի երաշխավորում հրապարակային պաշտպանության կամ մերժում:

4.4 Աշխատանքի, Թեզի նախապաշտպանությունն իրականացվում է համապատասխան ամբիոնում, բակալավրի կրթական ծրագրի ղեկավարների, ինչպես նաև ուսանողի Աշխատանքի, Թեզի ղեկավարի մասնակցությամբ:

4.5 Աշխատանքում, Թեզում գրագողության հայտնաբերման կամ ինքնուրույնության աստիճանի 50 %-ից ցածր լինելու դեպքում կազմվում է համապատասխան արձանագրություն, որի հիման վրա Աշխատանքը, Թեզը չի երաշխավորվում պաշտպանության:

4.6 Պաշտպանության են ներկայացվում նախապաշտպանությունը հաջողությամբ անցած և դրական գրախոսությամբ Աշխատանքներն ու Թեզերը:

4.7 Պաշտպանության թույլատրված Աշխատանքի և Թեզի տիտղոսաթերթին նշվում է «Թույլատրվում է պաշտպանության» գրառումը՝ հաստատված ամբիոնի վարիչի ստորագրությամբ:

5. ԱՇԽԱՏԱՆՔԻ ԵՎ ԹԵԶԻ ԳՐԱԽՈՍՈՒՄՆ ՈՒ ՊԱՇՏՊԱՆՈՒԹՅՈՒՆԸ

5.1. Աշխատանքը, Թեզը ավարտելուց հետո ուսանողը ստորագրում է տիտղոսաթերթին և ներկայացնում ղեկավարին, ով, ծանոթանալով Աշխատանքին, Թեզին և երաշխավորելով (կամ մերժելով) այն՝ համապատասխան կարծիքով ներկայացնում է ամբիոն:

5.2. Աշխատանքը, Թեզը քննարկվում է ամբիոնի նիստում՝ այն կատարած ուսանողի մասնակցությամբ, երաշխավորվում է (կամ չի երաշխավորվում) պաշտպանության: Ամբիոնի վարիչի կողմից երաշխավորված Աշխատանքը, Թեզը ուղարկվում է գրախոսության:

5.3. Աշխատանքի, Թեզի գրախոսը ամբիոնի վարիչի և ֆակուլտետի դեկանի ներկայացմամբ հաստատվում է ԳՊՀ ռեկտորի կողմից:

5.4. Գրախոսները երկշաբաթյա ժամկետում ծանոթանում են Աշխատանքում, Թեզում գետեղված բոլոր նյութերի հետ, պատրաստում գրախոսական և այն ներկայացնում են համապատասխան ամբիոն:

Գրախոսականում պետք է արտացոլված լինեն.

- 1) Աշխատանքի, Թեզի թեմայի արդիականությունը, գիտատեսական, գործնական նշանակությունը,
- 2) Աշխատանքի, Թեզի ընդհանուր բնութագիրը, բովանդակության համապատասխանությունը թեմային,
- 3) կատարված հետազոտությունների բովանդակության ամբողջականությունը, հետազոտության արդյունքները, արված եզրակացությունները,
- 4) Աշխատանքի, Թեզի դրական և բացասական կողմերը,
- 5) Աշխատանքի, Թեզի առաջարկվող գնահատականը:

5.5. Մինչ ամփոփիչ ատեստավորման հանձնաժողովին Աշխատանքը, Թեզը պաշտպանության ներկայացնելը, ուսանողը պետք է ծանոթանա գրախոսականի (գրախոսականների) բովանդակության հետ:

5.6. Ուսանողի կողմից Աշխատանքի, Թեզի ներկայացումը մասնագիտական ամբիոն և դրանց գրախոսումը կատարվում են՝ ըստ սույն կարգում սահմանված ժամանակացույցի (Հավելված 6, Հավելված 7):

5.7. Աշխատանքը կարող է գրախոսվել նաև բուհի այլ ամբիոնի կամ մեկ այլ հաստատության մասնագետի կողմից, զուգադրական թեմաների դեպքում՝ երկու մասնագետի կողմից, իսկ Թեզը՝ միայն արտաքին գրախոսի կողմից:

5.8. Աշխատանքը, Թեզը պաշտպանությունից հետո պահվում է ԳՊՀ արխիվում 5 տարի, այնուհետև սահմանված կարգով մարվում է: Լավագույն Աշխատանքները, Թեզերը ամփոփիչ ատեստավորման հանձնաժողովի որոշմամբ հանձնվում են ԳՊՀ գրադարան:

5.9 Հրապարակային պաշտպանության ժամանակ գրագողության հայտնաբերման դեպքում Աշխատանքը, Թեզը գնահատվում են «անբավարար»:

5.10 Աշխատանքի, Թեզի հրապարակային պաշտպանությունը իրականացվում է՝ համաձայն ՀՀ ԿԳ նախարարի հրամանով հաստատված «ՀՀ բարձրագույն մասնագիտական կրթական ծրագրեր իրականացնող հաստատությունների շրջանավարտների ամփոփիչ ատեստավորման կարգ»-ի և «ԳՊՀ շրջանավարտների ամփոփիչ ատեստավորման կարգ»-ի պահանջների:

6. ԱՇԽԱՏԱՆՔԻ, ԹԵԶԻ ԳՆԱՀԱՏՈՒՄԸ

6.1. Աշխատանքի, Թեզի պաշտպանության արդյունքները գնահատվում են ամփոփիչ ատեստավորման հանձնաժողովի անդամների քվեարկությամբ, 100 միավորանոց սանդղակով:

6.2. Աշխատանքի, Թեզի արդյունքները գնահատվում են «գերազանց», «լավ», «բավարար», «անբավարար»՝ ԳՊՀ-ի կողմից հաստատված գնահատման սանդղակին համապատասխան:

6.3. Աշխատանքը, Թեզը գնահատում են ամփոփիչ ատեստավորման հանձնաժողովի միայն այն անդամները, ովքեր ներկա են եղել տվյալ ուսանողի պաշտպանության ամբողջ

ընթացքում:

6.4. Ուսանողի արդյունարար միավորը ամփոփիչ ատեստավորման հանձնաժողովի անդամների նշանակած արդյունարար միավորների միջինն է:

6.5. Ամփոփիչ ատեստավորման հանձնաժողովի գնահատման արդյունքները հրապարակվում են ամփոփումից անմիջապես հետո՝ ուսանողների ներկայությամբ:

6.6. «Անբավարար» գնահատական ստացած կամ պաշտպանությանը չմասնակցած անձանց սահմանված կարգով թույլատրվում է նախապատրաստել և պաշտպանել **նոր** Աշխատանք, Թեզ հաջորդ տարում կամ հետագա տարիներին:

7. ԳՆԱՀԱՏՄԱՆ ԱՐԴՅՈՒՆՔՆԵՐԻ ԲՈՂՈՔԱՐԿՈՒՄԸ

7.1. Գնահատման արդյունքների հրապարակումից հետո՝ հանձնաժողովի նախագահը ներկա ուսանողներին հարցնում է բոլորքների առկայության մասին:

7.2. Ուսանողը գնահատման արդյունքների հրապարակումից անմիջապես հետո՝ դրանց վերաբերյալ բոլորքի առկայության դեպքում դիմում է ներկայացնում հանձնաժողովի նախագահին:

7.3. Բողոքարկումն իրականացվում է, եթե առկա են «ՀՀ բարձրագույն մասնագիտական կրթական ծրագրեր իրականացնող հաստատությունների շրջանավարտների ամփոփիչ ատեստավորման», «ԳՊՀ շրջանավարտների ամփոփիչ ատեստավորման» կարգերի ընթացակարգային դրույթների խախտումներ:

7.4. Հանձնաժողովի նախագահը դիմումը ստանալուց անմիջապես հետո շրջանավարտին է ներկայացնում հանձնաժողովի անդամների գնահատումների արդյունքները՝ համաձայն սահմանված չափանիշների և չափորոշիչների:

7.5. Գնահատման գործընթացում ընթացակարգերի գործարկման և գնահատման միավորների հաշվարկման ու ամփոփման սխալների հայտնաբերման դեպքում՝ հանձնաժողովը.

ա) փոխում է ուսանողի գնահատականը, եթե հայտնաբերված խախտումը կամ սխալն ազդել են գնահատման արդյունքի վրա,

բ) չի փոխում գնահատականը, եթե սխալը կամ թերությունը չեն ազդել գնահատման արդյունքի վրա:

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ [20 pt, Bold]

_____ ՖԱԿՈՒԼՏԵՏ [14 pt, Bold]

_____ (ԱՄԲԻՈՆ) [14 pt, Bold]

_____ ՄԱՍՆԱԳԻՏՈՒԹՅՈՒՆ [12 pt, Bold]

_____ ԿՐԹԱԿԱՆԾՐԱԳԻՐ [12 pt, Bold]

_____ ԲԱԺԻՆ [12 pt, Bold]

ԱՎԱՐՏԱԿԱՆ ԱՇԽԱՏԱՆՔ [22 pt, Bold]

ԹԵՄԱՅԻ ԱՆՎԱՆՈՒՄ [16 pt, Bold]

« _____ » մասնագիտությամբ

_____ բակալավրիորակավորման աստիճանի հայցման համար [13 pt, Bold, Italic]

Ուսանող՝ _____ [12 pt, Bold, Italic]
(ստորագրություն) (ազգանուն, անուն, հայրանուն)

Ղեկավար՝ _____ [12 pt, Bold, Italic]
(ստորագրություն) (ազգանուն, անուն, գիտական աստիճան, կոչում)

«Թույլատրել պաշտպանության»

Ամբիոնի վարիչ՝ _____ [12 pt, Bold, Italic]
(ստորագրություն) (ազգանուն, անուն, գիտական աստիճան, կոչում)

« _____ » 202_թ.

ԳԱՎԱՌ 202_ [11 pt, Bold]

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ [20 pt, Bold]

_____ՖԱԿՈՒԼՏԵՏ [14pt, Bold]

_____ (ԱՄԲԻՈՆ) [14 pt, Bold]

_____ ՄԱՍՆԱԳԻՏՈՒԹՅՈՒՆ [12pt, Bold]

_____ ԿՐԹԱԿԱՆԾՐԱԳԻՐ [12pt, Bold]

ՄԱԳԻՍՏՐՈՍԱԿԱՆ ԹԵԶ [22 pt, Bold]

ԹԵՄԱՅԻ ԱՆՎԱՆՈՒՄ [16 pt, Bold]

« _____ » մասնագիտությամբ

_____ մագիստրոսի որակավորման աստիճանի հայցման համար [13 pt,
Bold, Italic]

Ուսանող՝ _____ [12 pt, Bold, Italic]
(ստորագրություն) (ազգանուն, անուն, հայրանուն)

Ղեկավար՝ _____ [12 pt, Bold, Italic]
(ստորագրություն) (ազգանուն, անուն, գիտական աստիճան, կոչում)

«Թույլատրել պաշտպանության»

Ամբիոնի վարիչ՝ _____ [12 pt, Bold, Italic]
(ստորագրություն) (ազգանուն, անուն, գիտական աստիճան, կոչում)

« _____ » _____ 202_թ.

ԳԱՎԱՌ 202_ [11 pt, Bold]

**ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ ԲԱԿԱԼԱՎՐԻԱՏԻ ԱՌԿԱ ԲԱԺՆՈՒՄ
ՍՈՎՈՐՈՂԻ ԱՎԱՐՏԱԿԱՆ ԱՇԽԱՏԱՆՔԻ ԿԱՏԱՐՄԱՆ ԱՇԽԱՏԱՆՔԱՅԻՆ ՊԼԱՆ**

1. Ֆակուլտետը _____
2. Մասնագիտությունը _____
3. Կրթական ծրագիրը _____
4. Ազգանունը, անունը, հայրանունը _____
5. Ընդունման տարեթիվը _____
6. Ավարտական աշխատանքի թեման _____
7. Ավարտական աշխատանքի ղեկավարը _____
8. Ավարտական աշխատանքի թեման հաստատվել է ԳՊՀ _____
ամբիոնի թիվ _____ նիստում

Ավարտական աշխատանքի նկարագիրը՝ ըստ կիսամյակների և կատարման
վերջնաժամկետների

5-րդ
կիսամյակ՝ _____

Ավարտական աշխատանքի ղեկավար՝ _____
Ուսանող՝ _____

6-րդ կիսամյակ՝ _____

Ավարտական աշխատանքի ղեկավար՝ _____
Ուսանող՝ _____

7-րդ կիսամյակ՝ _____

Ավարտական աշխատանքի ղեկավար՝ _____
Ուսանող՝ _____

8-րդ կիսամյակ՝ _____

Ավարտական աշխատանքի ղեկավար՝ _____

Ուսանող՝ _____

/Յուրաքանչյուր կիսամյակի համար ավարտական աշխատանքի կատարման աշխատանքային պլանը ստորագրվում է ղեկավարի և ուսանողի կողմից, 8-րդ կիսամյակում ամրագրվում է նաև Աշխատանքի ինքնուրույնության աստիճանը՝ ստուգված հակագրագողության ծրագրով/:

**ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ ԲԱԿԱԼԱՎՐԻԱՏԻ ՀԵՌԱԿԱ ԲԱԺՆՈՒՄ
ՍՈՎՈՐՈՂԻ ԱՎԱՐՏԱԿԱՆ ԱՇԽԱՏԱՆՔԻ ԿԱՏԱՐՄԱՆ ԱՇԽԱՏԱՆՔԱՅԻՆ ՊԼԱՆ**

1. Ֆակուլտետը _____
2. Մասնագիտությունը _____
3. Կրթական ծրագիրը _____
4. Ազգանունը, անունը, հայրանունը _____
5. Ընդունման տարեթիվը _____
6. Ավարտական աշխատանքի թեման _____

7. Ավարտական աշխատանքի ղեկավարը _____
8. Ավարտական աշխատանքի թեման հաստատվել է ԳՊՀ _____
ամբիոնի թիվ _____ նիստում

Ավարտական աշխատանքի նկարագիրը՝ ըստ կիսամյակների և կատարման
վերջնաժամկետների

7-րդ կիսամյակ՝ _____

Ավարտական աշխատանքի ղեկավար՝ -----
Ուսանող՝ -----

8-րդ կիսամյակ՝ _____

Ավարտական աշխատանքի ղեկավար՝ -----
Ուսանող՝ -----

9-րդ
կիսամյակ՝ _____

Ավարտական աշխատանքի ղեկավար՝ _____
Ուսանող՝ _____

10-րդ կիսամյակ՝ _____

Ավարտական աշխատանքի ղեկավար՝ _____
Ուսանող՝ _____

*/Յուրաքանչյուր կիսամյակի համար ավարտական աշխատանքի կատարման
աշխատանքային պլանը ստորագրվում է ղեկավարի և ուսանողի կողմից, 10-րդ
կիսամյակում ամրագրվում է նաև Աշխատանքի ինքնուրույնության աստիճանը՝
ստուգված հակագրագողության ծրագրով/:*

**ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ ՄԱԳԻՍՏՐՈՍԱԿԱՆ ԿՐԹԱԿԱՆ
ԾՐԱԳՐՈՒՄ ՍՈՎՈՐՈՂԻ ՄԱԳԻՍՏՐՈՍԱԿԱՆ ԹԵԶԻ ԿԱՏԱՐՄԱՆ
ԱՇԽԱՏԱՆՔԱՅԻՆ ՊԼԱՆ**

1. Ֆակուլտետը _____
2. Մասնագիտությունը _____
3. Կրթական ծրագիրը _____
4. Ազգանունը, անունը, հայրանունը _____
5. Ընդունման տարեթիվը՝ _____
6. Մագիստրոսական թեզի թեման _____

7. Մագիստրոսական թեզի ղեկավարը _____

8. Մագիստրոսական թեզի թեման հաստատվել է ԳՊՀ _____
ամբիոնի թիվ _____ նիստում

Մագիստրոսի աշխատանքի նկարագիրը՝ ըստ կիսամյակների և ըստ
վերջնաժամկետի

I կիսամյակ՝ _____

Մագիստրոսական թեզի ղեկավար՝ _____

Ուսանող՝ _____

II կիսամյակ՝ _____

Մագիստրոսական թեզի ղեկավար՝ _____

Ուսանող՝ _____

III կիսամյակ՝ _____

Մագիստրոսական թեզի ղեկավար՝ _____

Ուսանող՝ _____

IV կիսամյակ՝ _____

Մագիստրոսական թեզի ղեկավար՝ _____

Ուսանող՝ _____

/Յուրաքանչյուր կիսամյակի համար մագիստրոսական թեզի կադարման աշխատանքային պլանը ստորագրվում է ղեկավարի և ուսանողի կողմից, 4-րդ կիսամյակում ամրագրվում է նաև Թեզի ինքնուրույնության աստիճանը՝ ստուգված հակագրագողության ծրագրով/:

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ
ԲԱԿԱԼԱՎՐԻԱՏԻԱՏԻ ԱՌԿԱ ԵՎ ՀԵՌԱԿԱ ԲԱԺԻՆՆԵՐՈՒՄ
ԱՎԱՐՏԱԿԱՆ ԱՇԽԱՏԱՆՔԻ ԿԱՏԱՐՄԱՆ ԺԱՄԱՆԱԿԱՑՈՒՅՑ

ԳՊՀ բակալավրիատի առկա բաժնում /այսուհետ՝ ԱԲ/ և հեռակա բաժնում /այսուհետ՝ ՀԲ/ ավարտական աշխատանքի /այսուհետ՝ Աշխատանք/ կատարման ժամկետները՝ ըստ կիսամյակների և ամիսների.

I. Բակալավրիատի ուսումնառության 5-րդ կիսամյակ /ԱԲ/ և 7-րդ կիսամյակ /ՀԲ/

1. Ամբիոնների պրոֆեսորադասախոսական անձնակազմի անդամների կողմից Աշխատանքների թեմաների ներկայացում՝ մինչև ընթացիկ ուստարվա հոկտեմբերի 1-ը,
2. Ուսանողի կողմից Աշխատանքի թեմայի ընտրություն և ամբիոնի կողմից ղեկավարի հաստատում՝ մինչև ընթացիկ ուստարվա նոյեմբերի 1-ը,
3. Ղեկավարի աջակցությամբ Աշխատանքի թեմայի կառուցվածքի մշակում, ուսանողին մասնագիտական գրականության, համապատասխան աղբյուրների նախնական ցանկի տրամադրում՝ մինչև ընթացիկ ուստարվա դեկտեմբերի 1-ը:

II. Բակալավրիատի ուսումնառության 6-րդ կիսամյակ/ԱԲ/ և 8-րդ կիսամյակ /ՀԲ/

1. Մասնագիտական գրականության, համապատասխան աղբյուրների ուսումնասիրում, Աշխատանքի թեմայի արդիականության, նպատակի, խնդիրների, մեթոդաբանության, վարկածի ձևակերպում /առկայության դեպքում/, Աշխատանքի տեսական մասի ուսումնասիրում և մշակում մինչև ընթացիկ ուստարվա հունիսի 1-ը,

III. Բակալավրիատի ուսումնառության 7-րդ կիսամյակ/ԱԲ/ և 9-րդ կիսամյակ /ՀԲ/

1. Աշխատանքի նախնական տարբերակի տեսական մասի ներկայացում ամբիոն՝ մինչև ընթացիկ ուստարվա հոկտեմբերի 1-ը,
2. Աշխատանքի հետազոտական մասի իրականացում, գլխի/գլուխների ամբողջական տարբերակի ներկայացում՝ մինչև ընթացիկ ուստարվա դեկտեմբերի 1-ը,
3. Ղեկավարի կողմից Աշխատանքի ստուգում, կարծիքի ներկայացում, իսկ բովանդակային և տեխնիկական թերությունների առկայության դեպքում Աշխատանքի լրամշակում և ներկայացում ամբիոն՝ մինչև նոր տարվա հունվարի մեկը:

IV. Բակալավրիատի ուսումնառության 8-րդ կիսամյակ /ԱԲ/ և 10-րդ կիսամյակ /ՀԲ/

1. Ամբիոնի կողմից Աշխատանքի նախապաշտպանության երաշխավորում՝ մինչև ընթացիկ ուստարվա փետրվարի 1-ը,
2. Աշխատանքի նախնական պաշտպանություն՝ ընթացիկ ուստարվա փետրվար ամիս,
3. Աշխատանքի վերջնական տարբերակի ներկայացում՝ մինչև ընթացիկ ուստարվա մարտի 1-ը,
4. Աշխատանքի ներկայացում ներքին կամ արտաքին գրախոսության՝ մինչև ընթացիկ ուստարվա ապրիլի 1-ը,
5. Աշխատանքի գրախոսում և նախապաշտպանություն՝ ընթացիկ ուստարվա ապրիլ ամսին,
6. Աշխատանքի պաշտպանություն՝ ընթացիկ ուստարվա մայիս ամսին:

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ

ՄԱԳԻՍՏՐՈՍԱԿԱՆ ԹԵԶԻ ԿԱՏԱՐՄԱՆ ԺԱՄԱՆԱԿԱՑՈՒՅՑ

Մագիստրոսական թեզի /այսուհետ՝ Թեզ/ կատարման ժամկետները՝ ըստ կիսամյակների և ամիսների.

I. Մագիստրատուրայի ուսումնառության 1-ին կիսամյակ

1. Ամբիոնների պրոֆեսորադասախոսական անձնակազմի անդամների կողմից Թեզերի թեմաների ներկայացում՝ մինչև ընթացիկ ուստարվա հոկտեմբերի 1-ը,
2. Ուսանողի կողմից Թեզի թեմայի ընտրություն և ամբիոնի կողմից ղեկավարի հաստատում՝ մինչև ընթացիկ ուստարվա նոյեմբերի 1-ը,
3. Ղեկավարի աջակցությամբ Թեզի թեմայի կառուցվածքի մշակում, ուսանողին մասնագիտական գրականության և համապատասխան աղբյուրների նախնական ցանկի տրամադրում՝ մինչև ընթացիկ ուստարվա դեկտեմբերի 1-ը:

II. Մագիստրատուրայի ուսումնառության 2-րդ կիսամյակ

1. Մասնագիտական գրականության, համապատասխան աղբյուրների ուսումնասիրում, Թեզի թեմայի արդիականության, նպատակի, խնդիրների, մեթոդաբանության, վարկածի ձևակերպում /առկայության դեպքում/, Թեզի տեսական մասի ուսումնասիրում և մշակում մինչև ընթացիկ ուստարվա հունիսի 1-ը,

III. Մագիստրատուրայի ուսումնառության 3-րդ կիսամյակ

1. Թեզի նախնական տարբերակի տեսական մասի ներկայացում ամբիոն՝ մինչև ընթացիկ ուստարվա հոկտեմբերի 1-ը,
2. Թեզի հետազոտական մասի իրականացում և գլխի/գլուխների ամբողջական տարբերակի ներկայացում՝ մինչև ընթացիկ ուստարվա դեկտեմբերի 1-ը,

3. Ղեկավարի կողմից Թեզի ստուգում, կարծիքի ներկայացում, իսկ բովանդակային և տեխնիկական թերությունների առկայության դեպքում Թեզի լրամշակում և ներկայացում ամբիոն՝ մինչև նոր տարվա հունվարի 1-ը:
4. Թեզի ամբողջական տարբերակի ներկայացում՝ հունվար ամսվա 2-րդ շաբաթին:

IV. Մագիստրատուրայի ուսումնառության 4-րդ կիսամյակ

1. Ամբիոնի կողմից Թեզի նախապաշտպանության երաշխավորում՝ մինչև ընթացիկ ուստարվա փետրվարի 1-ը,
2. Թեզի նախնական պաշտպանություն՝ ընթացիկ ուստարվա փետրվար ամսին,
3. Թեզի վերջնական տարբերակի ներկայացում՝ մինչև ընթացիկ ուստարվա մարտի 1-ը,
4. Թեզի ներկայացում արտաքին գրախոսության՝ մինչև ընթացիկ ուստարվա ապրիլի 1-ը,
5. Թեզի գրախոսում և նախապաշտպանություն՝ ընթացիկ ուստարվա ապրիլ ամսին,
6. Թեզի պաշտպանություն՝ ընթացիկ ուստարվա մայիս ամսին: